



UNIVERSITÄTS-
BIBLIOTHEK
PADERBORN

Variorum In Europa Itinerum Deliciae

Chyträus, Nathan

[Herborn], 1599

VD16 C 2803

Patavina. In Patavium J. Cæsar Scaliger.

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)



PATAVINA.

IN PATAVIUM J. CÆSAR
SCALIGER.

Huc antiqua deum domus Ilium, & incluta bello
Robora, Dardanos exposuere Lares.
Decepti patrias, non victi, amissimus oras.
Perpetuis res est Græca valere dolis.
Qui vicere, suos ideo amiserunt penates:
Ast nova sunt profugis regna parata viris.
Arma decent Teucros, vastros sapientia Grajos:
Victis Euganeis pectus utrumque dedi.
Regna vides Veneto Phrygiis majora ruinis:
Atticæq; à Patavo pectore terra capit.

INSCRIPTIONES.

SUPRA TRIBUNAL CURIAE.

Excute manus ab omni munere: partes patienter audis
benignè responde: justè judica.

IBIDEM AD IMAGINEM LEONIS,
cui homo supplex.

Parcere subjectis scit nobilis ira leonis;
Tu quoq; fac simile, quisquis regnabis in orbe.

IBIDEM SUNT IMAGINES PRAECIPUA-
rum virtutum cum his inscriptionibus:

Prudentiæ imago inter circinum & speculum.

Conscia prateriti, praesens adverto; futurum
Prævideo, humano dominans prudentia sensu.

Justitia inter gladium & bilancem.

Reddo cuique suum, sanctis & legibus omne
Concilio mortale genus, ne crimine vivat.

Fortitudo inter clavam bellicam & columnam,

*Constans aduersis, casu frenata secundo,
Magna paro excelsis animis, & fortibus ausis.*

Temperantia inter binas mensuras.

*Contineo motus animi, tempusq; locumq;
Et moderata, modum cunctos distinguo per actus.*

Fides inter crucem & calicem.

*Sacra fides sedeo, magna Deitatis alumna,
Una salus animis, & claro prævia calo.*

Spes ad ancoram.

*Spes ego diuinis aspiro nutibus, altis
Inclita propositis, certò ventura figurans.*

Charitas inter rosas & pateram.

*Cura deum, & cara homines dilectio pacis
Nuncia complector, flagranti pectore vivens.*

COMMUNE, SUB IMAGINE VIRI LACERI ET
cruenti, cui ab utroq; latere tres assant ipsum spo-
liantes & dilaniantes, additi versus:

*Sic me dilacerat, sic me genus omne cruentat,
Heu nulla hos pietas, nulla hos clementia tentat.*

IBIDEM:

Conservatio civitatis, unio.

Et in cippo erecto:

Lapis ignominia & cessionis bonorum.

IN EADEM CURIA T. LIVII CAPUT VIDE-
*tur, sine barba, collapsis genis, fronte rotunda, lineis rectis,
auriculis longiusculis, naso acuminato, cum in-
scriptione antiqua & recentiori.*

V.F.T. Livius, Liviae, T.F. quartæ legionis, halys con-
cordalis, Patavi, sibi & suis omnibus.

DELPH. PET.

MATTH.

DELPH. FIL.

M. DAND.F.

Offa

Ossa tuumq; caput cives tibi maxime Livii

Prompto animo hic omnes composuere tui.

Tu famam aeternam Romæ patriæq; dedisti,

Huic oriens, illi fortia facta canens.

At tibi dat patria hæc; & si majora liceret,

Hoc totus staret aureus ipse loco.

Titus Livius, IV. Imp. Tib. Cæsaris anno, vita excessit,
ætatis veró suæ LXXVI.

PRAETOR

EQ. PRAEF.

JUST.

OPT.

IBIDEM.

Inclyto Alphonso Arragonum regi, studiorum fautori, Reip. Venetæ foederato, Antonio Panormita Poëta, legato suo orante, & Matthæo Victurio, hujus urbis prætoris constantissimo intercedente, ex historiarum parentis T. Livii ossibus, quæ hoc tumulo conduntur, brachium Patavi cives in munus concessere, anno Christi millesimo quadringentissimo quinquagesimo primo. XI V. Kal. Septemb.

In globo alicubi dependente.

Maxilla & lingua T. Livii in hoc globo continentur.

ITEM:

OSSA

T. Livii Patavini, unius omnium mortalium judicio digni, cujus propè invicto calamo, invicti Pop. Rom. res gestæ conscriberentur.

SUB NOVA T. LIVII IMAGINE

hoc elogium est.

T. Livius Patavinus, historicorum Latini nominis facile princeps, cujus lacteam eloquentiam ætas illa, quæ virtute pariter ac eruditione florebat, adeo admirata est, ut multi Romam, non ut urbem rerum pulcherrimam, aut urbis & orbis dominum Octavianum; sed ut hunc unum inviserent, audirentq; a Gadibus profecti sint. Hic res omnes, quas populus Romanus pace belloque gessit,

K

quatuordecim Decadibus, mira styli facilitate complexus, sibi ac patriæ gloriam peperit sempiternam.

LIBRO QUEM IN MANU TENET
Livius, inscriptum est.

Parvus ignis, magnum sæpè suscitât incendium.

IBIDEM.

PAULUS PATAVINUS, Jurisconsultorū clarissimus, hujus urbis decus æternum, Alexandri Mammææ temporibus floruit, ad præturam, præfecturam, consulatumque evehctus. Cujusq; sapientiam tanti fecit Justinianus Imperator, ut nulla Civilis Juris particula hujus legibus nõ decoretur, qui splendore famæ immortalis, oculis posteritatis admirandus, insigni imagine hac merito decoratur.

IN PRÆTORIO PATAVINO, SUB
imagine C. Valerii Flacci.

C. Valerius Flaccus, Patavinus, carmine heroico labores Argonautarum decantavit, quod opus fato præventus imperfectum inemendatumq; reliquit, cum sui magno desiderio illorum temporum studiosis, imò vel testimonio Fabii Quintiliani, conquerentis, nuper in Valerio Flacco multum amissum esse. nec tacuit M. Valerius Martialis, Tellurem Aponam non minus gaudere Stella & Flacco, quàm suo Livio, ad quem etiam scribens, alumnū & spem laris Atenei eum appellat. Floruit sub Vespasiano & Tito, pervenit & ad imperium Domitiani, eo genere carminis, ætatis suæ nemini secundus.

IBIDEM.

Q. Asconius Pædianus Patavinus, Orator, in M. T. Ciceronis orationes scriptor egregius, quæ Laurentius Valla, vir doctissimus, Aul. Gellio doctiorem dicere non dubitavit. Plæraq; alia scripsit, ex testimonio virorum doctorum, quæ a studiosis linguæ Latinæ desiderantur.

ASINIUS STELLA

Patavinus, columbam in deliciis amicæ Jantidis, elegiaco versu

versu deflevit, quo genere carminis adeo excelluit, ut Marcus Valerius Martialis, ipsum Val. Catullo anteferie sit ausus, suo Epigrammate affirmans Stellam tanto majorem Catullo, quanto passere major est columba. Papinius etiam Stacius jure sodalicii sibi junctus, elegatissimo Epithalamio suas cum Violantilla nuptias celebravit, quibus novem Musæ cum Elegia non absuerunt. Opus Elegiarum, fatorum invidia desideratur. Floruit temporibus Domitiani, nec de ipso aliud compertum haberi potest.

IN TEMPLO FRANCISCANORUM.

CHRISTOPHORO LONGOLIO Romanam civitatem propter insignem in studiis literarum præstantiam adeptus, summo ingenio, incredibili industria, omnibus bonis artibus prædito, supra juventutis annos: in qua extinctus est magno cum Italiæ dolore, cui ingentem spem sui nominis excitaverat.

P. Bembus, amico atq; hospiti posuit.

*Te juvenem rapuere Dea fatalia nentes
Stamina, cum scirent moriturum tempore nullo,
Longoli, tibi si canos seniumq; dedissent.*

AD LAURENTII.

*Inclytus Antenor, patriam vox nisa quietem,
Transtulit huc Hænetum Dardanidumq; fugas.
Expulit Euganeos, Patavinam condidit urbem,
Quem tenet hic humili marmore casa domus.*

Ibidem tumulus

T. LOVATI PADUANI, MILITIS,
Judicis & poetæ.

*Id quod es, antequam fui, quid sis post fata, requiris?
Quod sum, quicquid id est, tu quoq; lector eris.
Ignea pars calo, casa pars ossea rupi,
Lectori cessit nomen inane Lupi.*

D. M.

*Mors mortis, morti, mortem si morte dedisset;
Hic foret in terris, aut integer astra petisset:*

Sed quia dissolvi fuerat sic juncta necesse;
Ossa tenet saxum, proprio mens gaudet in esse.

V. F.

Obiit anno nati Christi 1309. septimo die
 intrante Martio.

IN DOMO MANTUAE J. C.

Cui renidet hortus undiquaq; flosculus,
Animumq; nullis depositum dotibus
Squalere patitur; is preposteré facit.

IN HORTI MEDICI VESTIBULO.

- I. Portam hanc decumanam ne pulsato ante diem
 Marci Evangelistæ, nec ante horam XXII.
- II. Per decumanam ingressus, extradecumanam ne
 declinato.
- III. In viridario scapum ne confringito, néve florem
 decerpito, ne semen fructumve sustollito, radicem ne ef-
 fodito.
- IV. Stirpem pusillam, succrescentemq; ne attrectato:
 néve areolas conculcato.
- V. Viridarii injuria ne afficiuntor.
- VI. Nihil invito præficto attentato.
- VII. Qui secus saxit, ære, carcere, exilio mulctator.

AD EREMITANORUM.

Heu pascor á latere.
 Heu lactor ab ubere.
 Positus in medio,
 Quó me vertam nescio.

AD FRANCISCANOS.

MESSIAE HOC EST.

Sum quod eram: nec eram quod sum: nunc dicor utrumq;

ALIBI HOC:

Censum ne superet sumtus.

EPITAPHIUM HECTORIS

Pyrgoteli.

Virtuti æquales annos quia Parca putavit,
Terapuit juvenem, dum putat esse senem.

Pectore

*Pectore servabas memori crinitus Apollo
Ad medicam quicquid contulit unius operam.
Sed quia temporibus superis neq; subdita virtus;
Hector eris, donec lumina Solis erunt.*

D. M.

Francisci Curtii Ticinensis Juris interpretis. Vixit an-
nos LXX. Jus professus Ticini & Patavii.
Solius temporis honesta avaritia.

A L I U D.

Jo. Baptistæ Amyco Cosentino, qui cū omnes omni-
um liberalium artium disciplinas miro ingenio, solerti
industria, incredibili studio, Latinè, Græcè atq; Hebraicè
feliciter percurrisset; ipso adolescentiæ, suorumque labo-
rum & vigiliarum cursu penè confecto, a sicario ignoto,
literarum, ut putatur, virtutisq; invidia interfectus est. N.
F. amico opt. studiosi. omnibus, totaq; civitate Patavina
mœrente, tristiss. P. Anno M. D. XXXVIII.

*Premia quæ referunt aliis, vitamq; perennem
Virtutes: uni huic causa fuerunt necis.*

In imaginem Sirenum canentium.

*Gaudia qui nunquam queris peritura, loquaces
Has fuges, quæ dulci tristia voce parant.*

TUMULUS JACOBI VENETI
Architecti.

Jacobo Veneto, horologii miræ pulcritudinis, cum to-
tius cæli cursu, magistro, æstuariis exhauriendis, flumini-
bus regendis, multum a principe & patribus exhibito,
quem civitas universa faciebat plurimi: viro ingenii ma-
gni rectiq; Jo. Paul. F. Patri B.M.P. M. D. XXXIII.

*Quicquid habes hodie, craste fortasse relinquet,
Aut modò dum loqueris desinet esse tuum.*

IN D. SOPHIAE TUMULUS ELISABETHAE
Bonifæ in partu unâ cum foetu extinctæ.

Insigni probitate jaces fidissima conjux

Elisabetha, mea maxima pars anima.

Mors tulit una duos: te prima parte juvena,

Et nondum natum morte necat puerum.

Quid moror, infelix? cur non es vestra secutus

Fata, cado, eheu bis virg, paterq, miser?

Bonifæus extremum vobis hac munera tristis,

Et pater es conjux reddit Aloysius.

IN AEDE SERVORUM MARIAE.

TUMULUS PAULI DE CASTRO J.C.

Paulus de Castro J. C. disertiss. maximæ authoritatis apud omnes habitus; quod Florentia testatur, cujus jus municipale innovavit, & in ea conjugatus Petræ uxori, Vicariatus officium in spiritualibus Rom. Pont. decreto exercuit, ubi etiam in Bononiensi & Patavino Gymnasii publicè profitendo floruit, æternamque sibi gloriam comparavit, relinquens consiliorum & in Jure volumina plurima edita, quæ inter manus versantur, & ipsius Angelus filius, clarus ingenio, amborum Jurium tenens fastigia, XL. annos Patavii Jura docuit, eoq; Nicolaus Canonicus Paduanus, qui ab his processit, utramque & ipse parentum virtutem adeptus, hoc immortalitatis opus ipsis

Consecravit anno M. CCCC. XCII.

Paulo de Castro avo, & Angelo patri,

Nicolaus suo ære donavit. 1499.

IN D. PETRI.

Wolfgango Schurfio Germano, adolescenti optimo, quem non sine magno dolore suorum, quibus præclaram spem nominis sui excitaverat, mors immatura sustulit: Sebastianus Zottus à Pernegk, studiorum socio, de se B. M. P. Ob. III. non. Sext. Anno 1537.

IN S. MARIE.

FRANC. CASSANI MEDICI.

Hic dedit antiquæ quod erat mortale parenti,

Cassanus medica maximus artis honor.

Is Pedemontana tantum decus attulit ora,
 Quantum olim Cois civibus Hippocrates.
 Ecce senescenti inferior, sed magnus Apollo
 Dum timet, heu calo maluit esse parem.
 Conditur hic corpus, terreno carcere, liber
 Spiritus astra colit, fama per ora volat.

Ob. anno M. D. XLI. XX. Octob.

Cassanus liquit corpus mortale sepulcro,
 At laus prestantis non peritura viri est.

IN SANCT. ANTONII.

TUMULUS GABRIELIS FALLOPII
 Mutinensis.

Fallopī hoc tumulo solus non conderis, unā
 Est pariter tecum nostra sepulta domus.

Gabrieli Fallopio Mutinensi, viro omnium doctrinarum, tum præcipue utriusq; Medicinæ laudibus ornatissimo, eidemq; stirpium & Anatomix publica professione clarissimo, Franciscus Fallopius Canonicus Mutinensis, patris ejus patruelis, mcestissimus, pro tempore, posuit. Vixit annos xxxix. Obiit vii. Id. Octob. M. D. LXII.

Ad imaginem P. Bembi.

Petri Bembi Cardinalis imaginem Hieronymus Quirinus Ismerii F. in publico ponendam curavit: ut cujus ingenii monumenta æterna sint, ejus corporis quoque memoria ne a posteris desideretur. Vixit annos 76. m. 7. d. 29. Obiit 15. Kal. Februarii. Anno 1547.

RAPHAELIS FULGOSII JURISCONSULTI.

Fulgosus Raphaël virtutum jaspis, utroq;
 Jure stupor, tantus qui fama, quantus & orbis,
 Scriptis morte vacat, tam parvo clauditur antro.

E I D E M.

Emerita prädigna gerens cognomina laudis
 Fulgosus Raphaël conditur hoc tumulo.
 Consuluit nemo meliūs, fulsitq; docendo
 Cæsareus Leges, Juraq; Pontificum.

K iij

*Claruit eloquio, quem blanda Placentia forma,
Et genere insignem, mente piúmque, dedit.
Cujus anima in pace quiescat.*

LEONICI THOMAEI.

Leonico Thomæo Veneto, mitioribus in literis, pandendisque; carminibus, ingenio amabili, Philosophiæ veró in studiis, & Academica Peripateticaque; doctrina præstanti. Nam & Aristotelicos libros Græco sermone Patavii primus omnium docuit publicè, scholamque illam á malis Latinis interpretibus inculcatam, perpolivit: & Platonis majestatem nostris hominibus jam propè abditam restituit: multaque præterea scripsit, multa interpretatus est, multos claros viros erudiit. Præter virtutem bonasque artes, tota in vita nullius rei appetens. Vixit autem annos LXXV. m. i. d. XVII.

P. Bembus amico incomparabili P. C. ascripto carmine quod sibi vivus fecerat.

*Νῦν ὄντως ἀδείης καὶ ἀέλπιδος ἑσθὲν πλάκι τῆδε
Ἐπνον ἐκοιμήθην πᾶσιν ὀφειλόμενον.*

ALIUD.

Henrico á Cram, Germano, Saxoni, ex nobili familia, summæ pietatis, raræque; modestiæ adolescenti continentissimo, ingenio humano erga omnes, & præcipuè pauperes liberali, optimarum artium cognitione, & Juris Civilis sciëntia ita instructo, ut suis magno decori esset, Reip. ornamento maximo futurus. Postquam absoluto penè studiorum cursu, in ipso reditu ad suos, acerbissima febre oppressus, animam Deo, corpus terræ, amicis summo sui desiderio relicto, reddidisset; Ascanius frater pientissimus, cum sorore mœstissima posuere. Ob. anno M. D. XLV. Octob. XXI. Vixit annos XX. Procurabant Bartholdus á Mandeslo, Conr. Filius, & Nævius.

*O spes fallaces, cura, vanique, labores!
Omnia mors abolet, anxia vita nihil.
Disce mori, nec te ludat spes vana juventa.
Nam nescis statuam quem tibi fata diem.*

FOR-

FORMULA DEDICATIONIS ARÆ ANTI-
 qua, prope pontem D. Benedicti, ubi etiam aræ illustrium
 virorum Andrea Naugerii, & Hieronymi Fra-
 castorii imagines conspiciuntur.

L. Ælio Cæsare Imp. P. C. Ælio. P. E. Balbino Vibullio.
 Pio. Coss. VII. Idus Octobres. Cn. Domitius. Valens. II.
 Vir. I. D. Præeunte C. Julio. Severo. Pontific. legem dixit
 in ea verba, quæ infra dicta sunt.

Juppiter Optime Maxime. Quandoq; tibi hodie Aram
 dabo dedicaboq;: ollis legibus, ollisq; regionibus dabo
 dedicaboq;: quas hîc hodie palâm dixero, ut infimum so-
 lum hujus Aræ est, si quis hîc hostia sacrum faxit, quod
 magmentum nec protollat, idcirco tamen probé factum
 esto. C. E. R. A. Leges huic Aræ eadem sunt, quæ aræ Dia-
 næ sunt in Aventino monte dictæ, hisce legibus, hisce re-
 gionibus, sicuti dixi, hanc tibi aram Juppiter opt. max. di-
 co dedicoq;: uti sis volens propitius mihi, collegisq;: meis,
 decurionibus, colonis, incolis Coloniae Martiæ Juliæ Sa-
 lonæ, conjugibus liberisq;: nostris.

IN PORTA OMNIUM SANCTORUM.

M. ANTONIO LAUREDANO
Præfecto.

Hanc antiquissimam urbem, literarum omnium asy-
 lum, cujus agrum fertilitatis sumen natura esse voluit,
 Antenor cōdidit, anno ante Christi adventum C. C. XVIII.
 Senatus autem Venetus his belli propugnaculis ornavit,
 Leonardo Lauredano Duce Venetorum invictissimo, cu-
 jus Principatus varias fortunæ vices fortiter superavit.
 Anno Christi natalis M. D. XVIII.

Ibidem legitur.

Tardiûs Deo videtur veniã peccatori dare, quã pec-
 catori veniam accipere.

AD VIRGINEM MARIAM.

*Nasceris ô cali jubar, ô spes unica mundi,
 Nasceris ut victo damone regnet homo.*

K V

*Tecum omnis pietas, tecum omnis gratia virgo
Est nata, ex te omnis, quam miser opto, salus.
Culpa mea heu magna est, tua major gratia, verè
Dulcis amor, pendes in cruce vita mea.
Ut nasci pro me voluisti conditor orbis;
Orbis ita assertor vis patiendo mori.*

EPITAPHIUM REINERII ARSENDI,
qui fuit Bartoli præceptor.

*Lucia quem genuit Reinerius alma quiescit,
Hoc saxo legalis apex, venerabile numen.
Legibus in mundo, Juris summusq; Monarcha;
Fidum consilium dubiis, rationis amicus.
Hoc pereunte perit legum veneranda potestas:
Virtus strata jacet calo viduata paterno.
Huc huc verte oculos, lacrymas hic funde benigno
Plebs studiosa patri, quia vix, hanc passa ruinam,
Heu tantum seculo damnum relevare futuro
Compos eris, natumq; fleas Arsenda propago.*

AD S. ANTONIUM IN LAPIDE LYDIO.

Hanc Alexandri Contareni Venetæ Classis cum summa potestate fortissimi Legati, Divi Marci procuratoris quem nec venti in periculosissimis Reipub. temporibus retardarunt unquam, & Hariadenus Barbarossa Othomanicæ classis Imperator potentiss. sæpè timuit: tam admirabili artificio ductam effigiem, magni indicem animi, præclarumq; totius maritimæ disciplinæ simulacrû, ut posteritas haberet, quod instar immortalitatis ac gloriæ unicè coleret; nec quicquam Patavino splendore deesset: Petrus & Randolphus frat. op. p. Vixit an. L XVII. dies VIII. Obiit Kal. April. M. D. LIII.

IBIDEM.

Francisco Robortello Utinensi, Rhetoricæ artis moralisq; Philosophiæ Professore clarissimo, qui in florentissimis quibusq; Italiæ Gymnasiis magna famæ celebritate triginta totos annos publicè docuit: Natio Germanicæ præceptoris bene merito, in perpetuam grati animi memoria

moriam unanimis P. Vixit annos L. menses VI. dies IX.

Obiit xv. Kal. April. M. D. LXVII.

Consiliario Carolo Frolich á Frolichsberg.
Procuratoribus Georgio Rotmairo, &
Hugone Jacobi Roteidamo.

D. O. M.

Nobilissimo Juveni Alexãdro Tertio Bergomati, sum-
mæ in Deum pietatis, Legumq; ac cæterarum virtutum
omnium studiosissimo, mira sui expectatione relicta: Lu-
dovicus Tertius Jureconsultus, ac Ludovica Tertia mœ-
stissimi parentes posuerunt. Vixit annos XXIII. menses
V. & dies III. sanctissimè obiit in Domini DEI Jesu in-
vocatione, XXIV. Martii, hora XXII. M. D. LXX. ea fuit
sacra dies Dominicæ passionis.

A L I U D.

HIERONYMO LOSETTO Bergomensis, quem re-
pentè ornatum Doctoris insignibus mors invida eripuit,
ne optimo Juvenis ingenio, arte medica sibi obsisteret.
Joh. Bapt. pater mœstiss. P.

Vixit annos XXVIII. m. i. d. VIII.
Obiit ann. M. D. LXXII.

D. O. M.

Anton. Bona Nob. Ragusin. cùm per aliquot annos in
celeberrimis Italiæ Gymnasiis, Philosophiæ maxima ci-
vium suorum spe operam dedisset; fortunæ, corporis &
animi dotibus ornatissimus, atq; unicum matris solati-
um, morte immatura sublatum est. prid. Id. Maji. M. D.
LVIII. annos natus XXI. menses IX. dies XIX.

A L I U D.

Illustri & probatiss. Juveni Alopsio Vici Comiti, cùm
propediem multis ac magnis virtuti suæ ac studiis debitis
honoribus decorandus honestandusque videretur; præ-
matura morte surrepto, Joan. Gaspar pater mœrens P.
Obiit anno ætatis suæ XXIII. VII. Cal. April. M. D. LXIII.

S. D. G.

Non sum Ulysses Venturius, sed fui, & ero. Nec Senæ amplius, nec Roma, sed cælum patria est. Eques fui D. Pauli, in equitem nunc Christi commutatus. Quos non conspecturus in terris dereliqui mœstissimos, expectabo conspecturus in cælis lætissimos. Jure Cæsareo supra ætatem fui ornatissimus: cupiensq; ejus scrutari originem; ad naturam accessi, primamq; ejus implevi legem: Orta moriantur: idq; feci: Anno sal. M. D. LXX. ætatis verò XXIII.

D. O. M.

Philippus de Gregoriis Siculus, claro inter Messanenses genere natus, U. J. D. juvenis egregia doctrina, summa suavitate morum, omnibus naturæ fortunæq; bonis cumulatissimus hîc situs est. Qui cum a præstantissime utriusq; laudis fastigio ob divinum, quo pollebat, ingenium, proximè abesset, fati importunitate omnibus lugentibus, ætate florente sublatus. Vixit annos XXIX. menses III. dies V.

D. O. M.

Janua gloriæ virtus est; per hanc ingressus Jo. Paulus Conradus ætate adolescens; morum integritate & studiorum maturitate senex, citò eam assecutus est. Propterea Talleacotio sui generis patria derelicto, Patavium studiorum sibi similiam patriam attingens, in eoq; impurum, non nisi purum repetiturus, exuens, in patriam æternæ gloriæ evolavit. Præcox ingenium præcocia cuncta sunt subsecuta. Diuturniorem tamē hanc in terris memoriam fieri M. Propertius mœstissimus curavit. Sexto Kal. Octobr. hora XXI. satisfecit naturæ M. D. LXX.

D. O. M.

Alexandro Sirenæ Fulginati generis nobilitate & morum elegantia ac probitate ornatissimo, aliarumq; bonarum artium, ac potissimum Latinæ Hetruscæq; Poeticæ peritiss.

peritissimo. cum quo totius Sirenæ familiæ, cujus unicū
erat germen, spes omnis extincta est. Baptista Sirena, &
Columna Pontana parentes inæstiff. turbato heu naturæ
ordine filio optimo & dulcissimo P. C. Vixit annos xxv.
menses v. dies xxiv. Obiit III. non. Febr. M. D. Lxiv.

Lactantius Brunas & Jo. Bapt.
Elmus procurabant.

IN FRANCISCI.

D. O. M.

Erasmo á Kretchovv, Polono Palatinidæ Brzestén. Ca-
stellano Gnesnen. Pisdren. &c. Qui ann. ætatis suæ quin-
quag. obiit Patavii, die Maji xvi. M. D. Lxix. Amici P. P.

Hic te Cretcorvi mors & tua fata manebant;

*Cum terras omnes, & cum maria omnia circum
Lustrares, nullo defessus membra labore.*

Te rapidus Ganges, gelidaq; Borysthenis unda,

Te Tagus & Rhenus, te ripa binominis Istri,

Et septemgemini noverunt ostia Nili.

Nunc concessisti magnum visurus Olympum,

Æthereasq; domos, ubi Diis immistus inanes

Et curas, & spes hominum, lamentaq; rides.

Et hoc de consensu nobilium de Lanza-
rotis, & ex eorum liberalitate.

IBIDEM.

Lazaro Bonamico Bassanensi, in quo uno totius anti-
quitatis memoriam, eruditionem, judicium & eloquen-
tiam sibi redditam putans Europa, per annos xx. & i. Pa-
tavii admirata est. Catharina conjunx, & Lucretia senis
animula, benemerenti posuere. Vixit annos Lxxiii.
Obiit III. Id. Febr. M. D. Lii.

APUD EREMITANOS, UBI GERMA-
nicæ nationis sepulcretum.

Ne plores hinc amissos Germania natos,

Tempore quemq; suo fata locusq; manent.

Felices, ne conspiciant incendia mundi,

Ante mori summum qui potuere diem.

*Cum nutante breviculum dabit axeruinam:
Et tandem falsum non sinet esse Deum.*

Anno Domini M. D. LXI.
Consiliario Nicolao Ribeysen. Procura-
toribus Melchiore Haintzel, & Ca-
rolo Bambergo.

A D F R A N C I S C I.

Hieronymo Cagnolo Vercellenfi, viro optimo, & in Ju-
ris Civilis scientia inter nostræ ætatis doctores eminenti-
tiff. & propterea Taurini primum, deinde Patavii, majore
stipendio quam quisquam alius Jus Civile magna cum
laude atque omnium admiratione professus, nob. gen. ill.
Ducis Subaudiæ munere Senatorio & Equestri dignitate
perfunctus: fil. summa erga talem patrē pietate hoc mon.
pos. Vix. ann. LX. Obiit Kal. Februarii M. D. LXI.

A L I U D.

Zacharias Delphin. præfectus Ci. pat. bello laboranti,
in ipso hostium concursu animi magnitudine adductus,
magistratum alacriter ingressus: mox accedens collega Pe-
trus Balbi, cunctæ civitati velut duo lumina fulserunt:
sub eorumq; accuratissima administratione, discussis &
feliciter fugatis tenebris, quibus urbs premebatur, con-
fœderati exercitus Pontificis, Imperatoris, regis Gallo-
rum & Hispanorum civitas acerrima obsidione liberata
est. M. D. LX.

A L I U D.

Petrus Aponus Pat. Philosophiæ Medicinæq; scientifi-
simus, ob idq; conciliatoris nomen adeptus: astrologiæ
verò adeo peritus, ut in magiæ suspensionem inciderit, fal-
soq; de hæresi postulatus, absolutus fuerit.

A L I U D.

Albertus Pata. Eremitanæ religionis splendor, conti-
nentiff. vitæ, summa Parisiis infula magistrali, in Theo-
logia tantum profecit & profuit, ut Paulū, Mosen, Evan-
gelia, ac libros sententiarum laudatissimè exposuerit: fa-
cundif.

cundissimus ea ætate concionator. immortalis memoriam
optimo jure datur.

ALIUD AD S. ANTONII.

*Dux bello insignis, dux & victricibus armis
Inclutus, atq; animis Gattamelata fui.
Narnia me genuit, media de gente, meoq;
Imperio Venetum sceptrum superba tuli.
Munere me digno & statua decoravit equestri
Ordo senatorum, nostraq; pura fides.*

Ibidem.

ALVAROTORUM MONUMENTUM.

Amice qui istac transis, etsi properas, lapis hic te rogat,
ut paulisper inhæreas, & hæc scripta legas. Hac in Basilica
beati Joan. Baptistæ sunt Jacobi Alvaroti insita ossa. qui
dum vixit suo studio & doctrina post susceptas doctrina-
les infulas, cõmentarios utiles, cū Repertorio, in Jus Feu-
dale formavit, eosq; venerandæ Universitati Juristarū do-
navit. Volui ut ista non ignores, & pro anima ipsius ores.

⊙.18. Julii M. CCCC. LIII.

IBIDEM.

*Hoc Aicardinus situs Alvarotus in antro,
Ingentes meritis tam brevis urna capit.*

Hos fratres ex utroque parente nobiles, genere de Al-
varotis, ambos dd. & qui Jus C. in b. studio, gloria ingenti
docuerunt, ut idem quondam venter, ita unus nunc tu-
mulus habet.

ALIUD.

Marino Zabarellæ summo J.C. maximeq; memoran-
do, & ob id indigno cujus sepulcrum tam diu malè negle-
ctum ignoraretur, grata agnatorum posteritas H.M.B.M.
restituit. ⊙.1427.

AD S. SOPHIAE.

Andræ Taurello Fanensi, patre Lælio J.C. matre Lia
Marcolina Fanensibus, qui dum Patavii honesto studio

operam navat; ab amico clam hoste, nulla causa interemptus est, annum agens XXI. m. II. d. 27. fratri frater mortuiss. P.C.

A D S. JUSTINAM.

Nihil dulcius bene impensi temporis memoria.

Sub Meleagro moriente.

*Nuper victor apri, moriturus stipite tantum
Igne dato, en, pereo, matre jubente, focum.*

Mater Coriolani venit in castra filii, dicens: Sine, priusquam complexum accipiam, sciam an ad hostem, an ad filium; captiva matérne in castris tuis sim?

Sub Cleopatra admovente uberibus aspidem:

Delicias Cleopatra tuas ferus abstulit aspis.

Patientia est ornamentum, custodia & protectio vitæ.

Et ultorem ultus est David, & ulti mortem lacrymatus est David.

Sapientior est, qui quod novit abscondit, quam qui propalat quod nescit.

Blatta sua sponte lumini involando comburitur. *additur hoc scriptum: Non secus a tactu muliebri corda virorum.*

IN INGRESSU EJUSDEM MONASTERII

*legitur hæc sententia Bernardi, in appensa
parieti tabula:*

Bonum est nos hîc esse, quia homo vivit purius, cadit rariùs, surgit velociùs, incedit cautiùs, quiescit securiùs, moritur feliciùs, purgatur citiùs, & præmiatur copiosiùs.

PATAVINA.

161

IN S. LUCIAE.

Lucida lucenti lucefcis Lucia luce.

Mens mea lucefcatur Lucia luce tua.

EPITAPHIUM SCIPIONIS.

[*Scipionis Africani fepulcrũ & ftatua olim Linterni in Campania fuiffe dicuntur, cujus rei nulla ibidem jam funt veftigia, nifi quod Epitaphium adhuc celebre eft, quod Patavii in domo Pratoris fub ejufdem imagine legitur:*]

Devicto Hannibale, capta Carthagine, & aucto

Imperio, hos cineres marmore tectus habes.

Cui non Europe, non obftitit Africa quondam.

Refpice res hominum, quã brevis urna premit!

IN EREMITARUM.

D. O. M.

Theodoro Moller, nobili Germano, ex Gambriyiiis oriundo. Qui fumma ingenii felicitate, doctrinarum orbe ante annos abfoluto, cum Jurisprudentiã facris initiatus, magna Germaniã & Galliã parte peragrata, excellentis doctrinã & fingularis judicii rectitudine, viros principes in fui amorem & benevolentiam certatim adduxiffet; in Italiam profectus, dum indefeffo conatu ftudiorum metam confequi properat, immatura morte præventus, ingenti patriã, familiã & amicis fui defiderio relicto, feliciter decedit. JOACHIMUS J. C. EBERHARDUS Reip. Gambr. Conf. Henricus D. & Johannes V V. Ampliff. F. R. S. Germani, defideratiff. F. R. I. hoc amoris & pietatis extremum officium exoluerunt. Vixit ann. XXIIIX. m. II. d. XXIV. Moritur an. noviff. temp. M. DC. LXXIV. Confobri- no S. B. merito Eberhard. Tyveftreng. procur. M. DC. LXXV.

PETRO BAROTIO

Bellunenfis, primũ Antiftiti, Pontifici dein Patavino, fanctimoniam, pietatis, eruditionis, beneficentiã incomparabilis, Senat. Venet. M. H. F. curavit.

Is Barotius cum pertinaciter urgeretur ad condendum teftamentum tale condidit:

L

Ego Petrus Barotius Episc. Patavinus, relinquo animam meam Deo: corpus terræ: facultates verò quascunque possidebam, si quæ restant, relinquo, quibus de jure debentur.

Rolando & Aycardæ indolis optimæ, Rolandinus Placiola, filiis sarcophagum.

*Præter amare Deum, cum cætera deleat ætas;
Hic sere, quod plena postmodo falce metas.*

MARCI GRYBBIAE.

*Si vel nobilitas, vel opes, probitasve, fidesve,
Prima vel immunis morte juventa foret;
Qui jacet hic longos superesset Nestoris annos,
Conditus angusta Grybbia Marcus humo.
Sed quod cuncta rapit nulli evitabile fatum,
Si tuus es hodie, cras meus, inquit, eris.*

JACOBO ROSEO

Theologo Minoritæ, patria Dandaco, natione Siculo, animi candore, Christianæ religionis studio, morum integritate, doctrina, prudentia, & charitate insigni; qui variis laboribus, ærumnis, & morbis in Concilio Tridentino confectus, hinc tandem, quod semper optaverat, obdormivit in Domino. Cornelius Mussus Placentinus, Episcopus Bitontinus, illi uni proximè & secundum Deum, virtutes, honores, fortunas, omniaq; deniq; accepta referens, tanquam patri de se optimè merito, perpetuum sanctissimæ educationis monumentum posuit.

*Mortali optasset tecum Cornelius unâ
Carcere ad atherias Rosa redire domos:
Non licuit, quando ergo tibi summa omnia debet,
Formasti enixu quem pater ipse pio.
Cum nunquam posset meritas tibi reddere grates,
Virtutis tantæ tempus in omne memor:
Hunc tumulum extruxit, morientem flevit, acerbum
Vulnus adhuc animo nocte dieq; gerit.*

Vix. ann. lxxv. m. x. Obiit anno Domini M. D. XLVII
Calend. Junii.

JOAN

JOAN. LUDOVIC. GREMPIO

á Freudenstein Germano, eximia virtutis & nobilitatis,
nec non singularis eruditionis juveni, qui cum Alsatia
patria sua dulcissima relicta, præcipuas feré totius Gallia
Italiaeque; urbes perlustrasset; ardentissima tandem febre in
itinere correptus, hic Patavii in fata concessit. Vixit ann.
xxiv. Obiit M. D. LXXVIII. Ludovic. Grempp. pater J. U.
D. filio unico & longé cariss. M. P. C.

PIERIO VALERIANO

Bellunensi, Poëtae, Rhetorique; amplissimo, cujus pia um-
bra non pœnitendum hic tumultum sortita est. Nam ut
optabilis in patria, ita speciosus Patavii supremi officii
decus fato amissum, virtute recuperavit. Petrus Carra-
rius, ac Joannes Baptista Rota, Patavini, unanimes, grato
hospiti pos.

Pieridas dum Pierius sectatur, & Orci

Nil timet insidias, hunc fera mors rapuit.

Illam necem, aeterna ostentant haec munera vita,

Hinc medius vita Pieriusque, neci.

Abstulit hac annos tristes: at præmia laudum

Atque animam haec servant, invida mors moritur.

IN BASILICA D. JOANNIS

Præcursoris in viridario.

LAZARI BONAMICI.

Quantum ager Arpinas Ciceroni, atque incluta quantum

Palladis urbs debet Socratis ingenio:

Bassani & Patavi debent tibi mœnia tantum

Lazare, quando illis unus utrumque, refers.

Lazari Bonamici, Catharinaeque; uxoris cariss. in secun-
dum Redemptoris adventum quietis sedes. D. H. M. D. M.
A. Obiit M. D. LII. ætat. LXX.

FRANCISCO CURTIO

Ticinensi, solius temporis honesta avaritia extincto, vix.
annos LXX. Jus professus Patavii & Ticini.

L ij

PATAVINA.
DUORUM JUVENUM GALLI
& Poloni.

*Siste, legas juvenum crudelia fata duorum,
Alter aqua periit turpiter, alter equo.*

M. D. XXXIX.

ALIUD.

M. Mantua Benavid. Patavinus J. C. Joan. Petri filius ex
præsentibus futura prospiciens præter cætera monumen-
tum hoc S. V. P. C. mense Majo M. D. XLVI.

IN CATHEDRALI.

Francisco Zabarellæ Florentiæ Archiepiscopo, viro o-
ptimo: urbi atq; orbi gratissimo; divini humaniq; Juris
interpreti præstantissimo; in Cardinalium Collegium, ob
summam sapientiam cooptato: ac eorundem animis Pon-
tifici propè Max. Joan. XXIII. ejus Senatu abdicato, ante
Martinum V. ob singularem probitatem, in Constantien.
Concilio destinato: Joannes Jacobi viri clarissimi filius
id monimenti ponendum curavit. Vixit annos 78. Obiit
Constantiæ anno 1417.

ISABETHAE BONFIAE.

*Insigni probitate jaces fidissima conjux
Isabeta, mea maxima pars anima.
Mors tulit una duos; te prima parte juventa,
Et nondum natum ventre necat puerum.
Quid moror, infelix? cur non es vestra secutus
Fata, cado? eheu bis virq; paterq; miser.
Bonfius extremum vobis hac munera tristis
Et pater, & conjux, reddit Aloysius.*

CASSANI MEDICI.

*Hic dedit antiqua quod erat mortale parenti
Cassanus medica maximus artis honos.
Is Pedemontana tantum decus attulit ora,
Quantum olim Cois civibus Hippocrates.
Ecce senescenti inferior, sed magnus Apollo
Dum timet, heu caelo maluit esse parem.*

Condi.

*Conditur hic corpus, terreno carcere liber
Spiritus astra colit, fama per ora volat.*

M. D. XLI. die Octob. xx.

Portitori Plutoni, & Proserpinæ hanc Julia C.F. Maxima felix domini tormentum. Salve animula dulcis, animula suavvis, animula in deorum numerum recepta, unde tale, quando tale, & cui tale? Vix. an. LIX. mens. VI. dies XII. hora noct. IX. T. Scibonius Barbula conjugii incomparabili benem. P.C.

ALIUD.

Nicolaus Catarus vir optimus, in amicos officiosissimus, rei bellicæ ita peritus, ut exemplū desit, & in Remp. Venetam adeo fidelis, ut parem fortassis aliquem, superiorem verò habuerit neminem. Is Veneto Senatui, sub cuius imperio per XL. annos militavit, adeo carus fuit, ut nec pace, nec bello ab expeditione unquam vacuus fuerit: & ubi majus periculum instaret, ibi fuit præsidio: Cùm summis militaribus honorib⁹ functus esset, obiit à Christi natali die M. D. XL. ætatis autem suæ LXXVII.

Brixia oppido

Hujus cineres, & ossa hunc in locum ab Antonio filio Jureconsulto relata.

SUPRA FORES PRAETORII.

*Dant Bernarde tibi duo munera Teutones; illud
Quod patet è saxo, quod latet ex animo est.
Mors veniet saxis. animis haud. ergo fatiscat
Hæc nota, mens semper grata superstes erit.*

Germanica natio anno

M. D. LXXXIV. p.

Maximum malorum est, si vitam diligit is, qui vita dignum nescit aliquid agere.

INSCRIPTIONES ARCUUM
TRIUMPHALIIUM.

In ingressu arcus.

Mariæ Austriae Rom. Imper. Piæ, Aug. Divûm Imppp.
Caroli v. filiæ, Ferdinandi I. nurui, Maximil. I. I. conjugii,
Sen. Ven. majestatis ergó.

In exitu.

Mariæ Rom. Imp. Piæ Aug. Rudolphi II. Imp. matri,
Philippi II. Hispan. Omn. Siciliarum, Algar. Indiar. Max.
Regis forori, Sen. Ven. honoris ac dilectionis ergó.

In prima facie secundi arcus.

Sublimi Regum & Imperatorum natæ, forori, nurui,
conjugii & parenti, Præsidentes Divi Antonii exiguis viri-
bus hæc humilia erexere trophæa.

In secunda facie.

Exultat Divus Antonius adventu serenissimi luminis
in urbem hanc, mox Hispaniam suam patriam illustratu-
ris & sui gaudii hæc externa edit signa.

In prima fronte tertii arcus.

Mariæ Austriae, reginæ piæ, Catholicæ, Imperatrici
semper Augustæ, Respub. Ven. probitatis ac amplitudi-
nis causa.

In posteriore parte.

Reginæ Christianissimæ Imp. Regum Imperator: lon-
go & perpetuo ordine filiæ, nepti, nurui, conjugii, matri,
forori, Respub. Ven. religionis ac dignitatis causa.

IN VICINIA PATAVII.

*In pago Arquato non ita procul ab urbe Patavio, visitur in
coemeterio Francisci Petrarca sepulcrum marmoreum, qua-
tuor columnis sustentatum, & superius ejusdem imago
ex ære, cui inferius hæc sunt inscripta:*

Fr. Petr. Paul. Valdezucus Pat. poematum ejus admi-
rat. æd. agrorum possessor, hanc effigiem P. anno M. D.
XLVII. Idib. Septemb. Manfredino Comite Vicario.

Ejusdem

Ejusdem

EPITAPHIUM.

Viro insigni Francisco Petrarchæ, Poëtæ Laureato,
Francisculus de Borsano Mediolanensis gener, individua
conversatione, amore, propinquitate & successione, Me-
moriam.

Inferiùs hi versus tres marmori incisi:

Frigida Francisci lapis hic tenet ossa Petrarchæ.

Suscipe virgo parens animam, fate virgine parce.

Fessaq; jam terris cali requiescat in arce.

Moriturando M. CCC. LXXIV. XIX. Julii.

IBIDEM.

Danti Aldigerio, Francisco Petrarchæ, & Joanni Bocca-
tio, viris ingenio, eloquentiaq; clarissimis, Italicæ linguæ
parentibus, ut quorum corpora mors & fortuna sejunxe-
rat, nomina saltem simul collecta permanerent: Johan-
nes Bfevius Canonicus Cenetensis, hujus Basilicę Rector,
in sui erga eos amoris observantiæque testimonium po-
suit. M. D. XXIV.

Ibidem in aditu horti.

Impunè hinc Cererem sumas, impunè Lyæum.

Intactas habeat dum mea laurus opes.

Inscriptio fontis, ibidem.

Fonti nomen inest, hospes venerare liquorem,

Unde bibens cecinit digna Petrarcha Deis.

MONTERTONAE NON PROCUL
á thermis Aponensibus.

Tristis eram, longo tenuit me Gallia bello,

Nulla erat in medico spes neq; multa Deo.

Corripuit custos audacter me meus. heus tu

Consule te, & mentem volve nefande tuam.

Virgo tuis poterit succurrere maxima votis.

Cur dubitas teneras solvere dure preces?

L. iiij

*Filia, sponsa patris, mater spes unica nostra,
Oranti priscam restituet faciem.
Tunc ego singultu & lacrymis pia vota resolvi.
Suscepit voces dirva Virago meas.
Latus ago ingentes pro tanto munere grates
Virgo tibi, vita sola medela mea.*



BONONIENSIA.
IN BONONIAM J. CÆSAR
SCALIGER.

Post diras rerum clades, Fatiq; superba
Imperia, & Martis qua fera iussa tuli,
Hic primum meq; atq; alios cognoscere ceppi:
Deposuiq; animi barbaras sceptras mali;
Et didici, quam non fueram, quam deinde futurus:
Quem bona abortivum sic tuerere parens.
Qua causas, qua cunctarum primordia rerum,
Qua divini operis prima elementa doces.
Caelestesq; plagas, & sancta commoda vita,
Et si qua e numeris nata figura latet.
Cum reliquas superes divinis legibus urbes:
Non sulci omnigeno germine cedit honos.
Arma viris connata: animus conterminus astris:
Atq; ardens vita stat melioris amor.
Si cives dederas, si magna Hetruria leges:
Accipe, qua possis dicere: reddo libens.

INSCRIPTIONES
BONONIENSES.

EPITOME PRIVILEGII THEODOSII
*Imp. in templis D.D. Petronii & Dominici
lapidi incisa.*

Ne bonæ artes, cunctaq; disciplinarum dogmata de-
pereant; cum mores, sanitas, iudicia, cæteraque id genus
optimis